

---

## "Ҳоким ва ёшлар" учрашувида 40 нафар уюлмаган ёшларнинг муурожаатлари эшитилди

Туман ҳокими ва сектор раҳбарларининг туманимиздаги уюлмаган ёшлар ҳамда таълим муассасаларининг битирувчилари билан учрашувлари уюшқоқлик билан ўтказилмоқда. Фурқат маҳалла фуқаролар йиғинидаги 2-мактабда ташкиланган "Ҳоким ва ёшлар" учрашувида 40 нафар уюлмаган ёшларнинг муурожаатлари эшитилди. Бир неча кун давомида маҳалла фуқаролар йиғинларида берилган эълонлар орқали ташкиланган учрашув ўзгача тараддуд ва тартибда ташкилланди. Унда туман ҳокимлиги вакиллари, корхона ва ташкилотлар раҳбарлари, маҳалла фуқаролар йиғинлари ходимлари, "Ёшлар дафтари"га киритилган ёшлар иштирок этдилар.

Учрашув аввалида туман ҳокими Абдуқаҳҳор Джурабаев, туман прокурори Аҳрорбек Худойберганоф, туман ИИБ бошлиғи Фарҳоджон Бектошев ва туман ДСИ раҳбари Қуёшбек Бекмирзаевлар мамлакатимизда ёшларга берилаётган эътибор, туманимиздаги ёшларнинг бугунги кундаги ташаббускорлиги, ижодкорлиги ҳақида фикр билдириб, туманимизда улар учун яратилган шарт-шароитлар, тадбиркорлик фаолиятлари билан шуғулланиш истагини билдираётган фуқаролар, айниқса ёшларга кўрсатилаётган амалий ёрдамлар, ажратилаётган имтиёзли кредитлар ҳақида тўхталиб ўтдилар. Тумандаги масъул раҳбарлар ҳудуддаги мавжуд муаммолар, уларнинг ечим топиши учун амалга оширилаётган тизимли ишлар ҳақида ҳам маълумотлар бердилар.

Шундан сўнг тадбирнинг асосий қисми, яъни ёшларнинг муурожаатларини тинглашга ўтилди. 18 нафар муурожаатчининг ишга жойлашиш, имтиёзли кредит олиш, тақрорий экин экиш учун ер ва тадбиркорлик фаолиятларини бошлаш учун тикув машинаси ажратиш каби масалалар ҳал этилди. 10 нафар ёшларнинг ўқиш жойларини кўчириш, тадбиркорлик фаолиятларини бошлаш каби муурожаатлари ва кўчани асфальтлаштириш, трансформатор ўрнатиш, ичимлик суви тармоғи тортиш сингари тақлифлари ўрганилиб, тушунтиришлар ҳамда ҳуқуқий маслаҳатлар берилди.

12 та муурожаат эса жойига бориб ўрганиш ҳамда ижросини таъминлаш юзасидан муддат талаб этганлиги боис назоратга олинди. Ўтган учрашувлар ва сайёр қабуллардаги муурожаатлари ижобий ҳал этилган ёшлар ҳам учрашув давомида сўзга чиқишиб туман ҳокими ва сектор раҳбарларига ўз миннатдорчиликларини билдирдилар.

2021-07-06 17:38:38